

UMP, ECERDC jayakan program Empower Mahkota ECER

KUANTAN 6 Ogos - Universiti Malaysia Pahang (UMP) dengan kerjasama Majlis Pembangunan Wilayah Ekonomi Pantai Timur (ECERDC) melaksanakan program Empower Mahkota Wilayah Ekonomi Pantai Timur (ECER) bagi meningkatkan pencapaian akademik di kalangan pelajar sekolah di kampus Gambang di sini baru-baru ini.

Seramai 230 pelajar aliran sains dari Sekolah Menengah Kebangsaan (SMK) Lepar, SMK Indera Shahbandar, SMK Seri Pekan, SMK Peramu Jaya dan SMK Nenas menyertai Program Empower Matematik Tambahan dan Fizik yang dikendalikan guru pakar, Sunny Yee.

Program itu bertujuan meningkatkan pemahaman subjek Matematik Tambahan dan Fizik sebagai persediaan menghadapi Sijil Pelajaran Malaysia (SPM) pada hujung tahun ini.

Pengurus ECERDC Pejabat Wilayah Pahang, Mohd. Azizi Ibrahim

berkata, program itu bertujuan memperkenalkan pelajar kepada teknik menjawab soalan dengan lebih efektif serta memberi keyakinan kepada mereka menghadapi peperiksaan nanti.

"Program ini merupakan serampon dua mata di bawah program pembangunan modal insan yang dilancarkan ECERDC sejak tiga tahun lalu bagi merapatkan jurang ekonomi antara masyarakat luar bandar dengan masyarakat bandar.

Tumpuan diberikan terhadap

Program Latihan Kemahiran dan Keusahawanan untuk orang dewasa, latihan akademik untuk para pelajar dengan sasaran anak-anak di kalangan peserta Agropolitan Pekan dan masyarakat Kuala Pahang," katanya berucap dalam perasmian.

Program Kece亨langan Akademik: Empower Matematik Tambahan dan Fizik di Dewan Kuliah UMP di sini.

Yang turut hadir Naib Canselor UMP, Prof. Datuk Dr. Daing Nasir

Ibrahim; Presiden Persatuan Wanita UMP (Matahari), Prof. Madya Dr. Mimi Sakinah Abdul Munaim dan Penasihat Matahari, Datin Faizia Ali.

Sementara itu, Pengurus Projek Pembangunan Sosial ECER-UMP, Zainah Bahari berkata, program itu adalah sebahagian daripada aktiviti yang dilaksanakan UMP dengan di-kendalikan Pusat Pengajian Berterus dan Pembangunan Profesional (Cenfed) dan Matahari.

Katanya, selain mengikuti program itu, pelajar juga diberi peluang mempelajari teknik menjawab soalan bersama guru pakar dalam suasana teras serta melaksanakan program motivasi di kalangan pelajar dan keluarga.

Bagi seorang peserta program, Mariani Abdullah, 17, dari SMK Seri Pekan, dia semakin yakin untuk menghadapi peperiksaan dan akan terus berusaha bagi mendapat keputusan yang terbaik dalam SPM nanti.

UM, (H110) PHLW
7/8/13 ms2c



PESERTA program Empower Mahkota Wilayah Ekonomi Pantai Timur (ECER) bergambar selepas Program Empower Matematik Tambahan dan Fizik di Dewan Kuliah Universiti Malaysia Pahang (UMP) kampus Gambang, Kuantan, Pahang, baru-baru ini.